



Broj : 10/E-11- 547 /26
Sarajevo: 02-02-2026 godine

Na osnovu člana 10. stav (3), člana 18. stav (2) Zakona o javnim nabavkama („Službeni glasnik BiH“, broj 39/14, 59/22 i 50/24) – u daljem tekstu: Zakon, člana 69. Statuta Općine Centar Sarajevo – Prečišćeni tekst (»Službene novine Kantona Sarajevo«, br. 23/04), u skladu sa odredbama Uredbe Evropske komisije (718/2007 i 80/2010), a prema pravilima Praktičnog vodiča za postupke ugovaranja u okviru vanjskog djelovanja EU – PRAG („EuropeAid“), a na osnovu zahtjeva Službe za lokalno ekonomski razvoj i mjesnu samoupravu od 29.01.2026. godine, Opštinski načelnik d o n o s i

O D L U K U **o izuzeću od primjene Zakona o javnim nabavkama**

Član 1.

Od primjene Zakona o javnim nabavkama izuzima se nabavka električnog vozila u okviru projekta „Adriamove“.

Član 2.

Procijenjena vrijednost za usluge iz člana 1. ove Odluke iznosi ukupno 111.111,11 KM, a sredstva su planirana u Budžetu Općine Centar Sarajevo za 2026.godinu, na budžetskom kontu: 821300. JRJN: 34144900-7 Električna vozila.

Član 3.

Ova Odluka odluka stupa na snagu danom donošenja i bit će objavljena na službenoj stranici Općine Centar Sarajevo.

O b r a z l o ž e n j e

Na osnovu zahtjeva Službe za lokalno - ekonomski razvoj i mjesnu samoupravu od 29.01.2026. godine za donošenje odluke o izuzeću od primjene Zakona o javnim nabavkama za nabavku električnog vozila u okviru projekta „Adriamove“, Kabinet općinskog načelnika – Odsjek za javne nabavke predlaže donošenje odluke o izuzeću od primjene Zakona o javnim nabavkama.

Naime, predmetne usluge se finansiraju putem međunarodnih sporazuma/projekata, a uslovi ugovaranja su definisani samim projektom i partnerstvom. Procijenjena vrijednost za predmetne usluge iznosi 111.111,11 KM bez PDV-a u okviru projekta „Adriamove“. Projekat se finansira iz sredstava Evropske unije, kroz Partnerski sporazum između Općine Centar Sarajevo, kao partnera i Municipality of Fasano – Italija, kao Lead partnera u iznosu većem od 50% ukupne vrijednosti projekta.

Dalje, članom 18. stav (1) Zakona o javnim nabavkama, propisano je da ugovorni organ pokreće postupak javne nabavke donošenjem odluke o pokretanju postupka javne nabavke u pisanoj formi, dok je stavom (2) istog člana propisano da u slučaju izuzeća od primjene iz člana 10. ovog zakona ili za dodjelu ugovora o nabavci usluga iz Aneksa II, ugovorni organ dužan je donijeti odluku koja, osim zakonske osnove za izuzeće od primjene ovog zakona, sadrži osnovne elemente iz stava (3).

Članom 10. stav (3) Zakona o javnim nabavkama, propisana su izuzeća od primjene odredbi ovog zakona, gdje je definisano:

„U slučaju ugovora o javnoj nabavci iz stava (2) ovog člana koje u iznosu većem od 50% sufinansira međunarodna organizacija ili međunarodna finansijska institucija, ugovorne strane sporazumijevaju se o primjenjivim postupcima nabavke.“

Predmetne usluge će se provesti u skladu s pravilima Praktičnog vodiča za postupke ugovaranja u okviru vanjskog djelovanja EU - PRAG („EuropeAid“, 12.21, 01.23, 11.23 i 01.25).

U skladu sa naprijed navedenim ispunjeni su uslovi za izuzeće od primjene Zakona o javnim nabavkama ("Službeni glasnik BiH", broj 39/14, 59/22 i 50/24) u skladu sa članom 10. stav (3).

Analizirajući predmetni zahtjev, utvrđeno je da su ispunjene pretpostavke za realizaciju navedenih usluga, odnosno da su finansijska sredstva za ove namjene planirana u Budžetu Općine Centar za 2026. godinu, na budžetskom kontu: 821300.

Shodno zakonu i općim aktima Općine, Opštinskom načelniku dostavlja se prijedlog Odluke o izuzeću od primjene Zakona o javnim nabavkama na konačno odobravanje i saglasnost.

Cijeneći prethodno navedeno donesena je Odluka kao u dispozitivu.



Dostaviti:

1. Službi za lokalno - ekonomski razvoj i mjesnu samoupravu
2. Kabinetu općinskog načelnika - Odsjeku za javne nabavke
3. Službi za finansije
4. Evidenciji